

KHASITOMO YA SARS YI KHOMA RIMHONDZO RA MHELELEMBE LERI DURHAKA KU TLULA R23 MILIYONI

Pretoria, 10 Sunguti 2019 – Vatirhi va Khasitomo va Vukorhokeri bya Xibalo bya Afrika-Dzonga (SARS) va khomile ndzhwalo wa timhondzo ta mhelembe leti durhaka kwalomuya ko tlula R23 miliyoni eRivaleni ra Swihahampfuka ra Misava Hinkwayo ra OR Tambo (ORTIA) tolo.

Swiphemu swa 36 swa rimhondzo ra mhelembe swi kumiwile endzhaku ka loko “Lizzy” mbyana yo nuhetela yi twile masema eka ndzhwalo lowu a wu thiyiwile ‘swilo swo khavisa’ evuhlayiselweni. Vatirhi va Khasitomo va pfurile mabokisi ya nhungu lawa a ya khomanisiwile kun’we hi ntambhu. Timhondzo, leti a ti kongomile eDubai, a ti tumbetiwile ehansi ka maxitsi yo laminetiwa eka mabokisi ya mune lawa a ya tatiwile hi swimetsani swo veka emavantini na swilo swo khavisa.

Ntsengo wa timhondzo a wu ri 116kg, leti a ti ri na nxavo wa kwalomuya ka R23 200 000.00 Nxavo wa le xitarateni wa timhondzo leti wu ehleketeleriwa ku va wu ri ehenhla swinene.

Nkambelo evuhlayiselweni wu vumbile xiphemu xa pfumba ro engetela migingiriko ya nsindziso eka tinhundzu eka mihaho leyi humaka, ku landzela swiviko swa sweswinyana swa leswaku rimhondzo ra mhelembe leri a ri suka eAfrika-Dzonga, ri kumekile eFar East. Pfumba leri ri ya emahlweni.

Vukorhokeri bya Maphorisa bya Afrika-Dzonga (SAPS) na Vulawuri bya Vulavisi bya Nkongomiso wa Vugevenga (HAWKS) swi tivisiwile, naswona nandzu wa vugevenga wu tsarisiwile na SAPS, DPCI (HAWKS) ku lavisisiwa ku ya emahlweni.

